

## Das eylffte Buch/

## Petri de Crescentijs / Von Otter

vnd Biber jagt/ Auch Wasser vnd Fischweydwereck/ von  
Seen/ Meyern/ Fischteichen/ vnd Fischgruben/ vnd wie man al-  
lerley Fisch/ mit allerhand Instrumenten vnd künsten fahen sol.



## Das erste Capitel.

## Von der Otter vnd Biber Jagt.



Jerweil der Otter vnd Biber/ wegen irer Nahrung/ so sie  
in den Wasser vnd Wasser Gestaden/ welche an Hölzern vnd schö-  
nen Wiesen Gründen ligen/ alleine von Fischen haben/ auch alle ers-  
fahrne Jäger sie in die Forst freyung mit nicht einzehlen noch einlas-  
sen wollen/ als ist hierauß gewißlich zu schliessen/ daß beyde/ Otter  
vnd Biber/ vnter die Fische gerechnet werden/ darvon wir auch in  
diesem Capitel handeln/ vnd was vom Otter geredet/ dasselbige auch  
vom Biber verstanden haben wollen.

So denn der Otter Jäger den Otter suchen vnd außspühren  
wil/ sol er darzu gebrauchen gute Otter Hund. Sol auch sonst vier  
ander Otter Jäger/ oder Jägerknecht/ mit sich auff die Such nemen/ vnd zween auff die eine sei-  
ten zu oberst/ vnd die andern zween auff die ander seiten zu vnterst bey das Wasser stellen/ vnd auff  
den Otter oder Biber gute achtung geben lassen/ ob sie sich auch etwan auß dem Wasser lassen/ vnd  
ihnen auffstossen wolten. Denn der Otter offft vnd dick auß dem Wasser an das Gestad vnd Land/  
sich zu thun pflegt/ damit er sein Losung vnd Zeichen sehe/ vnd sich im Grase weyden oder frassen  
möge.

Wenn der Otter oder Biber Hund/ den Otter oder Biber vermercken würde/ als denn sol  
der Jäger seiner Fahrt oder Spur/ so er etwan im Sande/ oder sonst weichen Erdrich gelassen/  
fleißig warnemen/ damit er wissen möge/ wohin er den Kopff/ ob er ihn das Wasser auff oder ab ge-  
lehret hab.

Wenn der Otter Jäger auch seine Fahrt an der Spur nicht erschen köndte/ sol er auff sein  
Losung vnd Zeichen desto bessere achtung geben/ vnd ihm mit seinem Hund nachjagen vnd bestä-  
tigen/ gleich als man einem Hirsch oder Wilden Schwein zu thun pflegt.

Wenn der Otter sich aber verleuret/ so sol der Jäger ihn ein Feldwegs zwo oder drey/ entwe-

der